


*Lus*

	16216		dmg 12 col 100
	I	Mag. St. Dr.	

*Arbitra*  
*Procerum franc. Antonii: Laudatio in*  
*republicana*



1845-1846

in the year 1845-1846

1845-1846

2337. Prewoo.



**A R B I T R A**  
**IN OMNI CAUSA**  
**CONSULTISSIMA,**  
**JURISPRUDENTIA.**

*Sive*

**LAUDATIO EJUSDEM**  
Circa primum ad Cathedram ingressum

*per*

**M. FRANCISCUM ANTONIUM**  
**C W I E R Z O W I C Z,**

Philosophiæ DOCTOREM & PROFESSOREM,  
Utriusq; Juris BACCALAUREUM, Collegam  
Minorem, Contubernii Jurisperitorum electum  
SENIOREM, Publicum Authoritate Sacra Apo-  
stolica NOTARIUM.

*In Lectorio Collegii CC. DD. Juris-Consultorum*

*Almæ Universitatis Cracoviensis,*

Brevi proloquio

**OFFICIOSE FACTA.**

*Annô quô*

**IVDICIÛ CHRISPI IMPLÊTÆ nationes orbis terræ.**

*Dis Martis. 21ma Mensis Junii.*

*Typis Seminarii Episcopalis Academico-Diœcesani:*

34. V. 90


*A. R. D. in Provincia Curato, Salvo...*





## ELEGIA CONSTANS DIALOGIS MO PHILOSOPHI ET IVSTITIÆ.

- P. Quæ Dea? J. Justitia. P. Cur torvo lumine spectas?  
J. Nescia sum flecti tam prece, quam pretiò.  
P. Unde genus? J. Cœlo P. Qui te genuere Parentes?  
J. Mi DEUS est Genitor; Mater & alma Fides.  
P. Aurium aperta tibi cur altera & altera clausa est?  
J. Una patet justis, altera surda malis.  
P. Cur gladium tua dextra gerit? cur leva bilanciæ?  
J. Ponderat hæc causas, percutit illa reos.  
P. Cur sola incedis? J. Quia copia rara bonorum est:  
Unus vix inter scelera mille probus.  
P. Paupere cur cultu es? J. nam sic justissimus esse  
Qui cupit immensas nemo parabit opes.





*Perillustri & Admodum Reverendo*

**DOMINO**

**D. JOANNI ANGELSKI,**

Utriusq; Juris DOCTORI, Ecclesiarum; Insignis Collegiatæ S. MICHAELIS in Arce Cracoviensi DECANO, Parochialis in Mogielany Curato, &c.

**DOMINO & PATRONO COLENDISSIMO.**

**P**rimordia mei Juris sub gratiosi Nominis Tui Patrocinio in lucem quam videre cupiunt publicam proferenda meritò existimaui. Perillustri & Admodum Reverende Domine NEO-DOCTOR, Patrone Colendissime. Neq; profectò sine causa; tum ut priscæ consuetudini, tum ut affectui quoq; meo erga Perillustrem Dominationem Vestram propensissimo & inclinatissimo, morem gererem. Consuetudini præprimis: quia me non latet; unumquemq; si in lucem publicam aliquid exponere contendit Patronum sibi quærere, ut aliquam saltem operis sui commendatio-

)2.(

nem



nem Patroni suffultus auctoritate tueri possit, ac defendere. Affectui deinde; quoniam me suaviter ad id permovet, atq; mirum in modum concitat innata cordis Perillustreis & Admodum Reverendæ Dominationis Vestræ bonitas: singularis in rebus agendis dexteritas & comitas, summa prudentia, ante omnia verò ardentissimus in promovendo Cultu Divino Zelus, qui in plurium Collegiatarum; jam Canonicatu S. ANNÆ Cracoviæ, & Procuratoris ejusdem Capituli munere nuper gloriôsè gesto, jam Custodia Boboviensi, jam Decanali ad præsens S. MICHAELIS in Arce Cracovien: Prælatura; ast potissimum & maximè in cura & vigilantia Pastoralis circa gregem Domini, in sua Paræcia Tibi commissum, in augendo decore Ecclesiæ Parochialis in Mogielany, imò jam tantopere adaucto; quot, quibûs & quantis documentis palam non enituit? Omnibus Te commendabilem reddit elegantissima bonarum artium, necnon solida sacrarum Literarum Legumq; peritia, quam Cracia Pallas pridem Philosophica Daphnide ornavit, nunc Justinianeâ Laurea jure meritissimo coronat. Quid dicendum? de illa invicta Tua in fide & obsequio erga omnes declarando constantia, & intemerato qualis Matre sotos Academiâ decet animi candore, ex quo Magnis olim etiam Viris usq; ad ultimas fidelissimè es obsequutus vo-

lunta-



luntates, (\*) hodie in Justiniano Academici Senat-  
tus Sacrario factus es Cordium & affectuum Ara, men-  
suram Tui Nominis imple JOANNES; in pectore  
Majorum gratissimus Illis & semper ante hac dilectus,  
atq; optime acceptus recumbis. Quare venio jam in  
conspectum Tuum tanquam ad Principale, cum acces-  
sorio primoq; isthoc conatus mei Juridici partu Per-  
illustres & A. R. Dñe NEO-DOCTOR, officiosa  
cum animi submissione postulans ac obtestans, ut eundem  
quamvis minus cultum ipsoq; duntaxat artificio verita-  
tis eruditum ac expolitum, sine verborum apparatu, pa-  
ri suscipias ac à me Tibi defertur voluntate, siquidem:  
Ornari res ipsa vetat contenta doceri. præstatq;  
imperitæ loquacitati indiserta (omnibus numeris in-  
quilina Tibi) prudentia. Suscipias (inquam) hanc  
exiguam quamvis, claram tamen & apertam debitæ  
erga Perillustrem & Adm Rñdam Dominationem  
Vestram observantiæ & amoris testificationem, ego  
precari non desinam, ut DEUS T. O. M. Te Perillu-  
stris & Admodum Reverende Domine corpore  
sanum, animò lætum, quàm altioribus in Ecclesia sua  
Sancta ornatum honoribus in provectissimam ducat æ-  
tatem, ac Doctorali quam feliciterprehendisti Ju-  
stinia-

(\*) Peril: D. DOCTOR egit Executorem Testamenti Per-  
ill. olim M. Clementis HERKA, U. J. Licent: A. D. 1759. de-  
mortui.



*stinianeæ Laureæ, amplissimos Cœlestes usq; in illam  
beatissimam ac felicissimam (quam singuli præstolamur)  
æternitatem uberrimè Tibi profuturos, cum largis Be-  
nedictionibus annectat favores.*

Ita vovet

*Perillustris & Admodum Reverendæ  
Dominationis Vestræ,*

DOMINI, PATRONI  
COLENDISSIMI,

Obsequentissimus Servus

*Author Operis  
mpp.*





# ORATIO.



St hoc in more positum AA. ut ii qui artem aliquam in publico præsertim Gymnasio profiteri incipiunt; in laudes ejus non nihil priùs proloqui soleant, in hoc venerando legum & justitiæ Sacratio spartham ego & Professionem literariam nancisci cupiens, nobilissimam Juris scientiam laudaturus; laudes ejus à fine exordiri in animo duxi, hic cùm non alius sit quàm ipsa æquitas & justitiæ conservatio, in primo dicendi limine justitiam priùs non illaudatam relinquam. Hæc etenim aliarum Domina & Regina virtutum, cui omnes aliæ subservi-

A

unt,



unt, à qua in omne humanum genus leges & jura manârunt, quæ benefactis honores & præmia, malèfactis ignominias & supplicia proponens studia honorum excitat, malorum improbitatem còercet, qua sublatâ non domus ulla, non Civitas, non hominum inter se societas, non ipsa deniq; rerum universitas stare ac tueri se vel punctum temporis potest. Illius originem si inquirimus è Cœlo est, è Cœlo cunas suas accepit, ibi viget, omniquè æternitate vigebit. Illa cæterarum virtutum propè omnium Parens & Altrix jure meritissimo vocanda, in qua harmonia quædam & pax totius animi, cum apto & optimè composito motu est reposita. Illa Sapientis (a) Regis oraculô; Regum firmat Thronos, neq; ulla alia virtus ad stabiliendam, conservandam, regendam Rempublicam hâc accommodatior potest reperiri. Cæteræ profectò suis se quasi finibus continent, atquè etiam finè hominibus rectè exerceri possunt, hæc tota in hominum tuenda societate consistit, hinc humani generis conservatrix nuncupata, omnia honesta, omnia pacata amplectitur, nihilquè magis curat, quàm ut homines mutuâ benevolentia conjuncti invicem vivant, & ab injuriis, seditionibus, odiis, inimicitiiis, procul alieni existant, aliena non ap-

(a) *Prov. 16. v. 12. & 25. v. 5.*

petant,



petant, quod Dei DEO, quod hominum; cuiq;  
suum tribuendo. Ob illam Aristides Atheni-  
ensis ob insignem nempe justitiam, Græcorum  
felicitas est dictus, & ætas quæ illum habuit au-  
rea appellata. Dum fulminat illa serenatur vir-  
tus, ad vibratum illius enssem adversi scelerum  
motus conquiescunt, nec audent frontem erige-  
re scelera, in quorum capita vindex grassatur ju-  
stitia, ceduntq; crimina; dum cæduntur. Tolle  
justitiam & perit mundus, ubi justitia non est ini-  
quitas dominatur, ibi cædes & rapinæ, furta, ho-  
miciidia, timor & angustia regnant, securitas nul-  
la. Sicut omnia mala, omnia damna, omnem  
perniciem corporibus & animis ex injustitia  
evenire; at verò justitia salutem & incolumita-  
tem, bona denique omnia effici ac contineri  
certum, ut in quâlibet solitudine, in quâlibet va-  
stis & deserta & ab omni hominum cultu ac  
confortio remotis locis, suavior omnino vita,  
quàm in ea demo unde justitia exulat, esse vide-  
atur, ita omnem fructum, omnem dulcedinem,  
omnem amabilitatem vitæ, vitam denique ipsam,  
qui justitiam tollit tollere videatur. Ejus bene-  
ficiò propè innumeræ Civitates à parvis & hu-  
milibus profectæ principiis, brevi tempore ad  
magnam potentiam pervenerut, injustitiâ; flo-



rentissimæ & opulentissimæ breviori tempore funditus conciderunt. Quare sapienter Persæ; ei ex Regiis liberis, qui natu maximus erat, quiq; in spem Regni educabatur, cum alios ad virtutem Magistros dabant, tum unum præprimis, à quo justitiam doceretur. Censebant enim justitiam primas inter Principes tenere partes, cum ab illo ceu fonte quodam: inter cæteros sit derivata. Justitiam enim & perpetuas illius (ut Poetæ loquuntur) sive comites, sive sorores, veritatem & fidem; pax & amicitia, & bonarum artium cultus, & omnium rerum expetendarum abundantia consequuntur. Eam si colerent omnes, nunquam tubæ, nunquam litui audirentur, arma aut exederentur rubigine, aut in ligones & vomeres conflarentur, belli & dissensionis, inimicitarum; ne nomina quidem hominibus cognita essent. At verò zelantissima justitiæ Administra quænam quæso nonne Jurisprudencia est? Illa: quod integrum à corrupto, sincerum à turbido, apertum à versuto differat, illa inquam utpote ex vi & ratione sua imperans honesta, vetans contraria, commissa puniens crimina, monstrat. Illa à tyrannide Regnum, à privatis & seditionem malè olentibus conventiculis Civitas, Collegia à factionibus quantum diffideant; ob oculos



culos ponit. Hæc Consultissima scientia, ordinem (quem animam rerum vocamus) ita conservat, ut ad optatum felicitatis finem pro conditione cujusque securè & pacificè ducat. Quare dum video tempus jam ipsum postulare, ut illud exequar, quod singularis Vestrum in me benevolentia nuper permisit, ut publicè hodiè in huncce locum prodirem, & nonnihil navatæ in hoc genere studiorum operæ specimen aliquod darem, vel saltim pro se aliquid ex hoc suggestu dicerem, præsertim cùm totum justitiæ fundamentum Jurisprudentia sit. Dicam profectò, summam eorum omnium quæ à me hodie dicenda sunt, hâc brevi verborum formulâ comprehendam, quod propono: Arbitram in omni Causa Jurisprudentiam esse probabo. Dicam autem non tam Orationis more, nec duntaxat Scholastico, sed hujus loci morem gerendo umbratili & sedatò, plus ad docendum quàm permovendum vel delectandum, non ad faciendos clamores, sed ad silentium potiùs & attentionem obtinendam idoneo. Vos dicturo linguâ animisque favete, imploro.

SI hoc apud omnes tritum, & pro vero semper habitum est, quòd verba eorum quæ intus animò concipimus signatoriae quædam notæ, & veluti  
vivi



vivi quidam characteres sunt, fieri nullo modo potest, ut is qui vim & robur hujus vocabuli Arbitrator vel Arbitra, quid sonet? quid notet? quid ferat? percipit, in meam sententiam facile concedere non videatur, dicto meo facile subscribere nollet, & Jurisprudentiam hac laudationis compellatione non colat, quod illa sit Arbitra in omni Causa Consultissima. Quamvis enim ad Sacras dictatarum veriùs quàm ex Tripode per suos Legislatores Legum non recurrerem tabulas, ex illis: Titulò (b) de Arbitris responsum habiturus, vox ipsa, nomen ipsum, huic rei per quàm consonum, pleno ore quodammodo inclamat, nomen Arbitri & rem, ab arbitrando, censendo & æstimando desumptum esse. Arbitri sunt Judicibus similes, qui in exortis partium controversiis Arbitrium suum & animi sensum edicunt ac pronuntiant, quò partes deinceps stare debent, tales verò vel à jure creantur vel ab homine, ex legis dispositione, vel partium conventionem eliguntur. Ipsis enim mortales stamus casibus, litibusq; undequaq; involvimur, adeò ut nemo ita sit abstractus, nemo ita securus, qui non strepitù forensi pulsetur, perinde pernecessum est ea consequi media, quibus nos à parentibus undiq; adversariorum tumultibus, æquè justè ac for-

(b) XLIII. §. I.

titer



titer defendamus. Obinde utiq; constituta sunt  
judicia, leges conditæ, Processus Judiciarius ad-  
inventus, ut humana còerceretur audacia, tutà  
esset inter probos innocentia, in ipsis improbis  
formidato suppliciò refrenaretur nocendi fa-  
cultas. *Can. factæ sunt. dist. 4.* Ex quo velut ex  
fonte emanat, omnem à nobis impendendum esse  
conatum, ut non tantùm justī evadamus, sed se-  
cūri etiā à malignantium injuriis existamus.  
Hinc Julianus Imperator laudi sibi ducebat quòd  
Patrem Salvium Julianum Jure-Consultum habe-  
ret, Sacratissimus Justinianus Princeps laudatiss-  
simus, Jure-Consultos Antecessores suos ami-  
cosvè nominare non erubuit. Romani ipsi Do-  
mum Jure-Consulti Asylum Justitiæ, Oraculum  
æquitatis opinabatur. Nullum enim angulum  
Reipublicæ sine Jurisprudentia, experiētiā re-  
rum Magistrædocti, tutò & quietè consistere pos-  
se, certò certius asseverabant, iisq; qui leges  
Decemviralium interpretabantur, (Pomponio  
teste) Majestatem & auctoritatem publicam con-  
cedebant. Majora dicam, fuit quondam tempus  
cū in agris homines passim bestiarum more va-  
gabantur, & sibi victu ferino vitam propagabant,  
nec rationi & animo quidquam; sed pleraquē  
imò omnia viribus corporis tribuebant. Non

Divi-



Divinæ leges, non humani officii ratio colebatur, & si quid rectè fiebat interdum, non proderat in commune omnium & multorum, utpote nusquam multis nisi in aliorum perniciem confluentibûs. Sed fecit Jurisprudencia peritissimorum Legislatorum ministeriô, ut vocaretur hominum genus & veniret in societatem, servaretq; jus privatum & publicè, utile ac necessarium. Dedere leges; Moyse Chaldæis, Chaldæi Babyloniis, Magi Persis, Zoroastes Bactrianis, Gymnosophistæ Indis, Minos Cretensibus, Hypodamus Milesiis, Druidæ Gallis, Solon & Cecrops Atheniensibus, Argivis Phoroneus, Spartanis Licurgus, Romanis Numa Pompilius, nostris Polonis (c) cum Lecho Miecislaus, & sic proutroq; Foro ad nos usq; pervenerunt, sanctionibus suis Orbe latius dominium sine exceptione in omnes extendunt, Dignitatibus & Personatibus, omnibus absolutè judiciaria arbitria ferunt, Jurisprudenciam Arbitram esse in omni causa ad oculum declarant.

Præceptis Institutisq; Jurisprudenciæ hominum voluntatem, quæ facilè à medio virtutis deflectit, debere moderari, ejus arbitrio subesse, formam & regulam honestè vivendi, jus suum cuiq;



cuiq; tribuendi, neminem lædendi conservari,  
plusquam manifestum est. Neq; enim (ut nemo  
huic inficiatur) trahi nostræ voluntatis est, neq;  
cogi naturæ nostræ, sit tamen vî Jurisprudentiæ,  
ut ab illa trahamur libentes, cogamur inviti. Il-  
la (d) si eliciat lachrymas fluunt svaviter, si fu-  
rorem incutiat concipitur facilè, si iræ & odii  
faces subjiciat aluntur jucundè. Illa deniq; in  
mentis nostræ motibus tanquam fluctibus conci-  
tandis, quidquid conatur, in conatu est facilitas,  
quidquid facit, in facto est voluptas. Ecquid i-  
taq; quæso tutius? quàm hanc exercere artem,  
quâ qui est armatus, præsidium amicis, spem a-  
lienis, salutem Reipublicæ affert. Illa illa unica  
est Jurisprudentia, alterum Thesei (ut in fabu-  
lis Pòëtarum traditum est) filium, ad implicitos  
hujus vitæ errores facillimè explicandos. Hæc  
una altissimîs defixa radicibus, nullo consumitur  
ævô, nullo subruitur artificio. Hanc qui sequi-  
tur ducem; & portum quem quæsierit faciliùs  
capiet, & rebûs optatis potietur, & securiùs illîs  
perfruetur. Hæc lux una actionum est humana-  
rum, hæc in hoc pelago Mundi navigatium cyno-  
sura, hæc potissima custos justitiæ, firmamentum  
Regnorum, atquè decus & præsidium est Reipu-  
blicæ.

B

(d) *Robertus Turnerus.*



blicæ. (e) Contra hanc nemo unquam prorsus quid valuerit, hæc in mediis tenebris luxerit, domi & foris claruerit, premetur sed nunquam opprimetur, fluctuabit sed non submergetur. Si verò huc afferat mihi quis in medium Auream illam mentium Catenam, & svavissimam animorum illecebram fluidè dicendi Facultatem, plurimos huic nunquam satis colendæ defero plausus, ast: mulcere verba possunt, tenere tantisper possunt, ligare animos hominum in longam temporis seriem legum; non frustra à ligando dictarum, & juris proprium est. Hinc est: quòd Cæsar Augustus ne quisquam nisi Principis Decretò de jure responderet ordinavit, & ut majori splendore Sacra Legum resplenderet Sapientia, & eminentiori eam profitentes fulgerent dignitate effecit. Porro sicut corpus sine mente, sic Civitas sine Jurisprudencia, nihilq; est tam aptum juri conditioniq; naturæ nostræ, quàm illa, sine qua nec domus ulla, nec Civitas, nec gens, nec universum hominum genus stare, nec rerum natura omnis, nec ipse Mundus potest. Fundamentum libertatis, fons æquitatis, mens & animus, consilium & sententia Civitatis, tota posita est in Jurisprudencia. Ab omni quidem ævo

DEUS

(e) *Christophorus Varsevicus in sua Paradoxa.*



DEUS Optimus Maximus artes ingenuas extare  
voluit, velut Pharum & propitios quosdam ignes,  
in tempestuoso hoc mari lucentes, extare (in-  
quam) voluit, præcipuè verò Jurisprudentiam,  
quæ non ornamentum solùm Reipublicæ, sed &  
auxilium est & fulcrum. Hanc si tollas; quid? ni-  
si squallor & tenebræ nos occupant mortales, &  
ferox quædam & ut veriùs loquar ferina vita.  
Hæc Homeri veriloquiò, hos cœtus hominum  
solvit, jungitq; vicissim, hæc efficit: ne armorum  
ferriqué potestas, confundat jus omne manu, sce-  
leriq; nefando nomen sit virtus. Hæc deniq; jus  
suum cuiq; tribuit, DEO cultum, Regibus obe-  
dientiam, majoribus reverentiam, minoribus co-  
mitatem, oppressis tutelam servat, etiam genus  
humanum in amore, & concordia fovet invinci-  
bili. Et ut extranea testimonia non quæram,  
magnum semper fuit atq; erit omni liberæ gen-  
ti Jurisprudentia decus, maximum autem tutela-  
ri huic Regno, quòd in hac propè modum sola,  
apud homines, his potissimum temporibus veræ  
& germanæ exultationis vestigia appareant, in  
intricatis quorumvis negotiorum controversiis  
certiora, quàm ex Tripode responsa, tanquam ab  
Arbitra Consultissima Diva Jurisprudentia discus-  
sio habeatur.



A sententia Arbitrorum appellationem regulariter non concedi, (f) sacrosancta Legislatorum edicta, immortalia æquitatis testantur monumenta. At verò extra Divæ Jurisprudentiæ Sacrarium quanam & ubi exortarum controversiarum ne dicam dari; sed vel cogitari quidem potest, juridica & officiosè cum authoritate disjudicandi facta decisio? Nonne Jurisprudentia Divinæ Justitiæ Interpres, suprema vitæ humanæ norma, rationis vindex ac virtutis nervus? nonne cujlibet jurisdictionis reverentia, & Sacrosanctarum legum respectus, nonne inquam sunt veriùs quoddam cujusvis Reipublicæ Palladium? nonne illa solâ florentissimæ Respublicæ sustentantur? Illa docet DEUM timere, Religionem venerari, honorem ferre Parentibus, Patriam diligere, cunctis prodesse, nocere nulli, fraternæ charitatis vinculum tenere, pericula ubi & quando id sufficiens persvadet ratio suscipere, opem ferre miseris, bonis vicissitudinem rependere, æquitatem in omnibus observare, Securitas porro bonorum ipsa. Illa quarumvis majoris momenti caput & cardo rerum, quò vertentis causæ tota summa (g) capitur, totaq; collectio velut in  
Iliade

(f) Cap. Sanè Extr. de Arbitris, juncta l. ima C. eod.

(g) Caput à capiend.



Iliade comprehensa, ut enim nulli membro bene potest esse si à suo capite discedat, sic nulli Reipublicæ nisi cum suo capite (Magistratum intelligo) aliis hominibus veluti commembris vinculo legum à ligando (ut supra) dictarum, ope Jurisprudentiæ conjungantur.

Absit à Serenissimis Regnorum Regumq;  
Soliis Arbitra hæc, Sceptra tenebit impietas, Magistratum fasces scelus præferet, non diligenti manu mittenda erunt fulmina, quocunq; ferentur, in scelestum casura. Non hospes ab hospite tutus, non publica hinc & inde commeantium manebit securitas, vis inferetur in foro, in itineribus publicis cædes & spolia, in privatis domibus rixæ & odia, in Templis & Divorum Ædibus sacrilegia, potentiorum in inferiores, superiorum in debiliores, tyrannica sinè delectu grassabitur dominatio. Verbo rem complectar in uno; sine Diva Themide quid erunt Regna? nisi publica latrocinia, quid Imperia? nisi aperta sanguine & cædibus plena theatra, quando quidem districto illius gladio totam Regnorum serenari fortunam palam est, commotis è contra illius fulgoribus densam malorum dominari caliginem, sole clarior. Ab appensa justissimò Divæ Themidis scrutinio æquitatis balance non modò causarum; sed  
& ipsa



& ipsa insuper Orbis totius dependet universitas. Hæc scelerum Vindex acerrima, quanto justius deservit in crimina, tanto hos quos punit, ipsa etiam mente pacatiores reddit. Hæc homines in Civilem coegit societatem, juxta quam & virtutes exercerent ad quas ipsa impellit ratio, & procul omnia impia flagitia devitarent. Et ideo domus Jure-Consulti (ut supra memini) procul dubio est totius Oraculum Civitatis. Testis est hac in re Quintii Mutii Jure-Consulti janua & vestibulum, quod in ejus infirmissima valetudine affectaq; jam ætate, maxima quotidie frequentia Civium ac summorum hominum concursus versaretur. Ad Jurisprudentiam nimirum omnes recurrunt, ad hanc singuli supplices extendunt manus, Arbitram in quavis pro se causa Consultissimam venerantur universi. Illa est unica & sola optima pro omnibus in omni causa Arbitra, sive ut impellat homines, sive ut doceat, sive ut concitet, sive ut reflectat, sive ut incendat, sive ut leniat, sive ad paucos, sive ad multos, sive ad omnes, adeo: ut exclamare sit fas, o miram Jurisprudentiæ rationem! quam in quaq; causa nemo evitare potest, ad quam quisvis omnino tanquam ad supremam Arbitram recurrere debet.

Certum



Certum est apud omnes, Principes Viros, qui ad gubernacula Reipublicæ sedent, & sibi subditos populos gubernant, à DEO Optimo Maximo in sede honoris ea de causa præcipuè esse collocatos, ut subditos suos ita regant ut beata eorum vita sit, hoc est: ut opibûs firmi, copiis locupletes, gloriâ ampli, virtute honesti sint, ipsiq; vitam agant cum omni pietate & honestate Hoc ut illi facilius opere compleant Arbitrâ Regnorum Jurisprudentiâ summopere illis opus esse, quis non videt? Hæc enim verò (*verbis Biezanovii loquar,*) Thronos Regum & Purpuras informat, (b) ne ad iniquè gesti Imperii censuram erubescant. Felix adamas (diligentem hujus nobilissimæ Scientiæ cultorem intelligo) qui Divæ hujus Præsidis Caput, quò nulum augustius coronat, sine quo etiam Augustissimi Cæsarum acephali sunt, & centoculi quantumvis Argi; sinè oculo, sine mente. Illa Regibus & Principibus Dynastis, qui subiecti sibi populi moderantur habenas, in omni causa recti honestiq; eorum regiminis Arbitra est fidelissima. His utiq; (procul dubio) arbitriô sapienti opus est, cùm enim omnium oculi tendant in actiones

(b) *In Paneg. Astræa Sarmatica. Andrea Krupecki U. J. D.*  
*Can: Cath: Græc. scripta.*



eorum; necesse est eos alienos esse ab omni eo, quod in plebe vel excusari potest, vel facilius condonari. Habet nimirum & aliis supereminens arbitraria potestas suam servitutem, Regi enim non æquè licet agere, quod cæteris. Aptè hac in re Seneca in Tragœd. Thyest. potenti cuidam scribens: *multa tibi non licent, quæ humilibus & in angulo jacentibus* (i) *magna servitus est magna fortuna.* & paulò infra subdit. *non licet tibi quidquam arbitriò tuo facere:* Jurisprudentiæ munere rectè qui funguntur, nonne sunt publicæ utilitatis Defensores? humilium & tenuium tutores, superborum repressores, bonorum amatores, veritatis cultores, malorum hostes, vitiorum inimici.

Quemadmodum enim multum refert Imperatoriam Majestatem legibus armari, ita non minus Juris legumq; Facultatem autoritate Principum Virorum decorari. Imperatoriam verò Majestatem, non solum armis decoratam, sed etiam legibus debere esse armatam, magnus ille Imperator Justinianus præclare censuit, ut utrumq; tempus & bellorum & pacis rectè possit gubernari, & Princeps ipse non solum in hostilibus præliis victor existat, sed etiam per legitimos tractantes

(i) Cap. 26. Consolat. ad Polybium l. 1.

mites calumniantium iniquitates propellat, fiatq;  
tam juris religiosissimus, quàm victis hostibus tri-  
umphator magnificus. Præsertim quod omnes  
ii qui adipisci veram gloriam volunt, justitiæ of-  
ficiis ut fungantur, est necessum. Illa illa Diva  
nempe Jurisprudencia, amicam studiis tuetur  
tranquillitatem, audacium hominum insolentiam  
comprimit, ex obscuro & ignobili natalium loco  
ad publicam hominum existimationem profue-  
re facit, vitæq; rationem non ex alicujus Civi-  
tatis præscripto, sed ex sui ipsius instituto mo-  
deratur. Jurisprudentiæ; tanquam fundameta-  
li petra non privato uniuscujusq; arbitrio, secu-  
ra Rerum publicarum innititur gubernatio, præ-  
scriptæ ab illa regulæ, regulæ sunt bonæ guber-  
nationis, & viæ Regiæ rationis status. Per eas  
tanquam per certas quasdam lineas, Reipublicæ  
navis secura navigat; Præscriptæ illius Regulæ,  
muri sunt Magistratûs, oculi & anima Civitatis,  
vinculum populi ac frenum, quod eam regit ac  
corrigit. Jurisprudencia felicior Regnis & Re-  
gibus fabuloso illo apud Pœtas Oedipô, dubia  
ænigmata solvente, vel Mercurii caduceô, ut in-  
ter colluctantes in via colubros, sic inter partes  
sibi controversas tanquam Arbitra in omni causa  
litem dilimendo.

C

Insta-



Instabilitati voluntatis, quæ tot affectibus  
& passionibus est obnoxia, imò per se cæca, de-  
cisivum haud potuit rectè committi iudicium, ni-  
si illud Diva Jurisprudencia in suam accepisset  
bilancem, ut certis quibusdam decretis & fixis  
statutis, à ratione & prudentia profectis, quæ  
perinde omnes & absq; discrimine obligarent,  
illa in officio contineretur. Obinde utiq; sunt  
conditæ leges ut earum motu humana còercere-  
tur audacia, tutaq; esset inter improbos innocen-  
tia, neq; enim tyrannis aliud quidquam est, quàm  
inconsulta quædam legum oblivio, dum Prin-  
ceps auctoritatem illarum sibi temerè arrogat.  
Hoc Roma olim fuis ubertim lacrymîs deplora-  
bat, tanquam potissimam servitutis suæ causam,  
quòd nimirum Augustus legum munia ad se tra-  
xisset, ut Imperium tyrannide premeret. Leges  
olim ut significarent antiqui debere esse perpe-  
tuas, tabulis æreis eas consignabant, & DEUS  
illas in lapide æterno insculpsit, Digito suò exa-  
ratas. Lex Divinæ Benignitatis Inventum atq;  
munus est, cujus præsidio improbi metu pœna-  
rium in officio & debita obedientia retinentur,  
boni verò in pace vivunt, ab injuriis improbo-  
rum tuti sunt. Lex rigoris excusatio, elevatio  
gratiæ, invisibile Principis brachium, quò Reipu-  
blicæ

blicæ habenas moderatur. Rex & lex unica nonnisi discrepant literâ, & quid aliud Rex quàm lex loquens, quid aliud lex quàm mutus Rex?

Nonne sacrosanctarum custodia Legum Civitates continet? hâc certè custodia inter Cives & vitæ communio facilè retinetur, hujus deniq; solius ductû Respublicas feliciter administrari, & regna rectè gubernari posse plusquàm manifestum est. Duo enim sunt propter quæ homines adinvicem sociantur, & sine quibus societas eorum adinvicem durare non potest, scilicet commoditas & securitas, commoditas quò ad se ut vitæ necessaria consequantur, securitas quò ad alios, ut sibi à rebus contrariis non noceatur. Quod igitur à nobis ratio, sive nobiscum natum lumen rationis impetrare non potest, ut hic piè, justè, & sanctè vivamus, certè impetrare debet ac potest legum peritia. Diva nimirum Jurisprudencia, legibus suis luculenter edocens, ac quotidie nos admonens, bonis quidem præmia virtutum; malis scelerum pœnas proponens. Illa est sitientibus justitiam gratiosior & admirabilior quàm stella matutina, utilior porro & fertilior est hominibus, quàm agris pluvia ferotina. Sancita illius integerrimè si non servarentur statuta, ni-



ta, nihil aliud profectò foret, Principum & Regum Imperium, nisi magna rerum confusio, Magistratus pene degenerarent in latrocinia. Ad præscriptas Jurisprudentiæ regulas res omnes dirigere omnino necessum, non è contra: regulam rebus Juris & æqui rebus accommodare, quemadmodùm regula Lesbia quòd è plumbo esset (k) faciliè omnibus lapidum figuris fesse aptabat. Verè ergo & sapienter dixerunt veteres. Legem esse animam Civitatis perindeq; felicem aut infelicem evadere unam quamq; Civitatem prout nimirum bonis aut malis moribus est temperata. Sapientissimus homo Democritus duabûs rebus Rempublicam contineri dicebat pœnâ & præmio, earum autem rerum utraq; in manu ejus est, qui munus sustinet judicandi. Audiamus quæso quid hac in re lyrica Sarbievii cecinit Musa. (l.)

*Jam sacræ leges & amica legum,  
Jura Civiles cohibent tumultus,  
Et Fides, & fas, & aperta læto  
Gratia vultu.*

*Jura pacatis dominantur agris,  
Jura comescunt grave classicorum  
Murmur, & currus, & hiulca rauci,  
Fulmina belli. Le-*

---

(k) Didacus Saadera Symbolò XXI.

(l.) Lib. 2dò Lyric. ode. 12mâ,

Leges si abrogentur & cuiuslibet licentia facien-  
di quidquid voluerit data sit, non solum Respu-  
blica pessum ibit, sed ne quidquam intererit in-  
ter nostram & ferinam vitam. Multitudo co-  
alescere in unius communitalis corpus quam  
ratione quæso præterquam legibus potest? nulla  
sanè: Lex omnis invidiæ nescia, legibus qui ser-  
vit DEO servit, quas ideo accepimus, ne sui  
quisq; doloris vindex sit, nec minus oportet Ci-  
ves pugnare pro legibus quam pro mœnibus, eò  
quod absq; legibus Civitas nullo pacto incolu-  
mis esse possit; absq; mœnibus possit. Lex pro-  
fectò ad hoc data est ut hominem malè sua liber-  
tate utentem, quò priùs ferebatur improvidus  
& per præcipitia labebatur quasi frenò retineat,  
& ad illam compositis (ut ajunt) doceat ince-  
dere pedibus. Quemadmodum igitur leges bo-  
nas condere, & in omni Republica servare bo-  
num est, ita disceptationes & controversias legi-  
bùs definire optimum est judicandum, præfer-  
tim cum inter homines quotidie nascantur con-  
tentiones de rebus dubiis, quas dissolvere non a-  
liter quam legum beneficiò est concessum. Justi-  
tia utiq; quæ in illis fundata est, suum cuiq; tri-

buit,



buit, alienum non vendicat, utilitatem propriam negligit, ut communem custodiat.

Remota illâ & non servata in Regnis, quid sunt ea? nisi magna latrocinia, abiq; hac nec Respublica, nec exiguus hominum cœtus, imò nec domus quidem privata constat. Tolle justitiam à Regibus & Principibus, nihil à modò erit Principum & Regum Imperium nisi funesta omnium injuriarum colluvies, quia quantò major est potentia sinè justitia, tantò major est & iniquior violentia, unde fit, quòd si Princeps non utitur justitiâ vel illam præterit, simile quid perpetrare videtur, ac si artifex curvaret regulam & lineam, secundùm quam rectè debet operari. Quod si ergo actiones singulorum Jurisprudentiæ perindequæ Justitiæ regulis essent consentaneæ, & in illis nullus notaretur rectitudinis defectus, si negotia tam publica quàm privata juxta inviolabilem Jurisprudentiæ legem agerentur, ut ne Argus quidem in iis deprehendat, quod jure reprehendat, aurea conderentur sæcula, qualia sub Saturno fuisse fabulata est antiquitas. Fruerentur gentes & singuli de gente felicitate summa, quæ pro statu hujus vitæ in nos mortales vix cadere potest. Quàm primùm verò à sacrosanctis Jurisprudentiæ legibus disceditur, subito omnia  
confun-

confunduntur, & felicitatem inhiantes arden-  
terq; præstolantes se infelices & miseros faciunt,  
fortunam accusantes, cujus ipsimet sunt fabri.  
Non satis ergo est, quòd suprema exortarum con-  
troversiarum Arbitra Jurisprudencia sit, ast eti-  
am quòd sine exceptione, omnium; quòd in omni  
causa omnibus colenda. Justitiæ enim actus &  
officia sunt (m) *honestè vivere, neminem ledere,*  
*unicuiq; quod suum est tribuere.* Quod totum non  
modò opportunum ast etiam necessarium omni  
tempori, omni personæ, omni sexui, omni con-  
ditioni & ætati, quod non item stringit in offi-  
ciis & actibus aliarum quamvis selectissimarum  
plurium virtutum. Hujus simulacrum ab anti-  
quis pingi solebat, Virgo facie decora, oculis  
pellucetibus, vultu pudico & modesto ad gra-  
vitatem composito, quâ in universum hominum  
genus seriò animadvertente, nihil in hominum  
cœtibus injustum, nihil dolosum, nihil scelera-  
tum regnare potest. Hâc Arbitra utuntur Sum-  
mi Pontifices, Reges, Cæsares & Duces magna-  
nimi, in Tribunalibus, Curiis, Senatûs Consultis, quâ  
publicis, quâ privatis consultationibus, electioni-  
bus aliisvè actibus canonicè fieri solitis, præscri-  
ptam ab ea solemnitatem manutenere sunt ad-  
stricti,

(m) *In prælim. Instit. Imper.*



Aristi, in eam ultro omnes & universi partium Orbis Regnorumq; Status compromittunt. Per eam tam Spiritualis seu Ecclesiastica, quàm Civilis seu Politica Jurisdictio & potestas firmatur unicè conservatur. Hujus Arbitræ Assessores Consultissimos illos *Marcellos, Manticas, Majoretos, Mascardos, Meninos, Ulpianos*, aliosvè sexcentos Juris Antistites, ad summos Dignitatum apices novimus esse evectos. Universæ insuper scientiæ quòd in animis hominum innata quam vis (n) ad se perdiscendas studia excitant, ea Jurisprudentiæ debent, nam quis quæso libenter huic non succensereb? quòd hæ omnes & singulæ quòd ad servandum ordinem & methodum in iis quæ tractant jure suo utuntur, eòq; quodammodò regulari videntur. Illa cæteris humanioribus artibus quàm sit longè præstantior, liquiddò constat: adhuc enim absq; aliis Regna stare possunt, absq; legum notitia & accurata earum observantia nequaquam possunt. Fidelissimæ illæ Divinitatis Aseclæ, pronubæ felicis æternitatis Fides & Religio, à juribus plurimum propagari, ab illis acerrimè defendi dignoscuntur atq; promoveri. Sed nullum est tantum orationis flumen, tanta dicendi vis & copia, quàm laudes  
hujus

(n) *Homo naturaliter scire desiderat. Axio: Phil.*

hujus nobilissimæ scientiæ non modò ex æquo  
 comprehendi, orando circumscribi, sed vel pro  
 modulo saltim attingi possint. Illa: quamvis ul-  
 tima Cœlituum terras (Diva nempe Astræa) re-  
 liquit, non tamen ita se totam rebus humanis e-  
 ripuit, ut è Cœlo in terras non prospiceret, judi-  
 ciisq; populorum etiamnum non præsideret, gem-  
 mis Regalibus coronata. Gemmæ illius sidera  
 sunt, sed gemmæ animorum & sidera Orbis, non  
 alibi quærenda nisi inter vicaria illius capita,  
 Arbitros videlicet justitiæ, qui dum ex Tribunali  
 Justitiæ oracula proferunt, gemmas Orbi loquun-  
 tur, & inter alta noctium internarum conticinia  
 claritudine mentium ut sidera fulgent. Tolle  
 has juris & æqui lampades, solem de Cœlo su-  
 stulisti. Tolle has de corona justitiæ gemmas, &  
 ipsæ Regum coronæ sine pretio, non obryzum,  
 non vilis scoria erunt. Magnus hucusq; & sem-  
 per apud posteros habebitur olim, Pientissimus  
 hujus Almæ Universitatis Fundator Jagello, quem  
 Regium (o) sceptri decus diadema fasces & Pur-  
 pura non modò in se sed & successoribus No-  
 minis sui, & Throni Regalis propè per quatuor  
 (p) non interruptim sæcula tantò ad gloriam ornâ-  
 runt; Ille inquam purpura, soliô Lechico & Co-

D

rona

(o) *Martinus Winkler Orator Academ.*

(p) *Cromer in Hist. Polonæ.*



rona Magnus, tot magnorum operum gestis pro  
fide Orthodoxa Genteq; Polona Major; sed nec  
minor Astrææ Sarmaticæ Capite coronato, quod  
cùm in Regno Sapientiæ ad summum extulit, to-  
tam simul ignaram legum barbariem triumphavit.  
Debet sanè Augusto huic Principi Polonia,  
quod exotica Themide foliisq; Sibyllæ jam Sar-  
mata non egeat, nec ad Cortinas cursitet Del-  
phicas ut ex Tripode respondeat, cùm hic apud  
Palladem Jagelonicam in hac Cathedra Juridica,  
justitiæ Thronum Astræa erexerit, in qua *Petro*  
*Wysz de Armis Acervus, Episcopo Cracoviensi*, quod  
ad primam in ea Juris prælectionem os Pontifi-  
cale aperuit (q.) speciosissimus apud posteros  
augusti operis est triumphus. Thronum hunc  
Cœleste ego dixerim firmamentum, in quo fide-  
ra primæ magnitudinis supra quartum propè  
sæculum tot jam Orbis Polonus recensuit, quot  
Clarissimis Jure-Consultis Astræa in eo corona-  
ta refulsit. Attollunt illius gloriam, Celsissimum  
Nomen Principis CZARTORYSKI Episcopi Po-  
snaniensis, necnon tot Infulata Capita *ILLU-*  
*STRIS-*

(q) *Annò Domini 1400. Petrus Wysz Episcopus Cracoviensis, Sancti-*  
*monia vita atq; prudentia Civilis Celeberrimus, primam in Jure lectionem*  
*in Academia publicè ex Cathedra prelegit. in hac verba legitur apud M.*  
*Andream Buchowski Canonicum Collegiata S. ANNÆ, in suo opere sub ti-*  
*tulo: Gloria Domini super Templum Sanctum suum. A. D. 1703. in lu-*  
*com edito, descriptionis Ecclesiæ S. Anna Crac. parte ima Caput.*

*STRISSIMI* nempe: JOSEPHUS ZAŁUSKI  
 Kijovienfis, ADAMUS KRASINSKI Camene-  
 censis, ANTONIUS OSTROWSKI Livoniae &  
 Piltinensis, FRANCISCUS POTKANSKI Pata-  
 renfis, & Officialis Generalis Cracoviensis; HIE-  
 RONYMUS WIELOGŁOWSKI Bendenfis, Pre-  
 myslienfis, Suffraganei; LUDOVICUS RI-  
 AUCOUR Ptolomadenfis, Antiftites. Decora de-  
 coribus adaugent felectiffima primarum in hoc  
 Regno Cathedrarum Ornamenta, ac pretiofiffimi  
 Alti Sanguinis Uniones: MATHIAS MOSTO-  
 WSKI, MATHIAS ŁUBIENSKI, GABRIEL  
 PODOSKI Referendarius Regni, FRANCISCUS  
 CZERNY Coronarum Regni Cuftos, CHRISTO-  
 PHORUS SZEMBEK, ANDREAS POTOCKI,  
 ANDREAS ANKWICZ, JOSEPHUS NIE-  
 WIESCINSKI, PAULUS KOSICKI, GEORGI-  
 US DOBRZANSKI, THOMAS SZANIAWSKI,  
 MATHIAS PRUSKI, Metropolitani Gnefnenfes,  
 Leopolienfis, Cracovienfes; JOSEPHUS MIA-  
 SKOWSKI, JOANNES KRALL, CAJETA-  
 NUS GLISZCZYŃSKI, JOSEPHUS KOKOSSO-  
 WSKI, Poſnanienfes; (r) MATHÆUS BŁĘDO-  
 WSKI,

D2

(r) Bonaventura TURSKI Gnefnenſis, Martinus ZEROMSKI, Ar-  
 chidiaconi; Nicolaus LIPSKI Canonicus & Officiales Geneales; Cracovi-  
 enſes. Antnius GRZEGORZEWSKI, Franciſcus POLOCKI, Pto-  
 cenſes; Theodorus HOWEL Scholſtitzus Livonia, Sigilli Regni Secr. in hac  
 Univerſitate creatiſſim U. J. DD. non ſuperſtites.



WSKI, BASILIUS ZŁOCKI, SIMON KIEL-  
CZEWSKI, Vladislavienses; STANISLAUS  
POTKANSKI Scholasticus, JOSEPHUS GLIN-  
SKI Canonicus, Płocenf: ANTONIUS TROUPP.  
Premysliensis; CASIMIRUS KLEYN Chelmen-  
sis; Cathedrales Prælati & Canonici, aliiq; plurimi  
longo syllabô recensendi, qui frontes suas ad In-  
fulas natas, ad magna de Ecclesia & Patria cogita-  
mina exporrectas eorumq; capaces, Doctorali in  
Utroq; Jure moderno etiam sæculo (quamvis  
superiora consultò præteream) in hoc Craciæ  
Themidis Archilycæo submisere Laureæ. Sed  
nec in Vobis *Perillustres Reverendissime Domine*  
*Facultatis Juridicæ DECANE, Perillustres Claris-*  
*simi & Admodum Reverendi Domini Utriusq; Juris*  
*DOCTORES, & PROFESSORES,* Vestris me-  
ritis scientiis, virtutibus, laboribus Academicis Ce-  
leberrimi, Patres & Patroni mei Observandissi-  
mi. Nec (repeto) in Vobis absq; lucis eru-  
ditæ augmento coruscat, quando splendidissi-  
mam rerum faciem Vestrarum nitor mentium  
& excellentia ingeniorum apud Craciam The-  
midem reddit. Vestris idcirco favoribus plus  
ultra me prosequi non dedignemini. Parcite ve-  
rò oro atq; obsecro, quod non affectatò styli cul-  
tu or-

tū ornatam Arbitram in omni causa Jurisprudentiam, in medium Vestri hodie produxerim, Viri utiq; Juris legumq; periti non vanam eloquentiam captare eligitis, neq; eorum morem gerere imò forsità improbare soletis, apud quos flores fructibus; verba rebus præponderant. Vos enim hîc in præsentiarum veneror Eruditissimos in hoc Archilycæo Viros, quibus publicè docendi Utriusq; Juris munus præclarè commissum est. Vos inquam veneror, qui ita in eo genere proficendi in Cracia Alma hac Universitate Vos geritis, ut ipsa si loqui posset Jurisprudentia non certius, aut copiosius, aut majori cum dignitate videretur explicare sensus suos, quàm à Vobis ex Doctorali Vestro, vel isthoc Professorali suggestu quotidie explicantur. Omnia ex suavissimo Vestrū ore profluunt, quæ in hac Arte percelebri aut cogitari prudenter, aut disputari acutè, aut certò definiri ac statui possunt. Qui etiam tanto apud multos eosq; Magnos Viros in pretio estis, ut quasi Atlantes Cœlum; ita Vestrū Authoritate Nobilissimæ hujus Artis & Consultissimæ Facultatis dignitas sustineri putetur. Sed Vestræ etiam hoc subscribat laudi, Cujus viva oracula estis, quam pace Vestra laudavi Jurisprudentiam, dum illam Arbitram in omni Causa su-

pre-



premam esse deduxi, jamq; laudibus Vestris superfedeo. Quid igitur? finemne statim vultis faciam? *AA.* id enim à me jam expectari video, an priùsqvam desinam paucis Vos Nobilissimi Adolescentes ( Vos utiq; potissimùm spectat hac omnis Oratio mea) ad Jurisprudentiam toto pectore amplectendam cohortabor. Incumbite obsecro, incumbite impensius, curate enixius hanc nobilissimam scientiam Vobis parandam, dignam ingeniò, dignam ætate, dignam splendore, Vestraq; nobilitate, Patriæ, Majorum Vestrorum gloriâ dignam, eam assequi omnibus viribus studete precor, ut quæ hactenus à me dicta audistis opere compleatis, multò aliquando jucundius prudentiâ gravitate & authoritate, Ecclesiam, Patriam, Altricem meam ac Vestram Matrem Almam Academiam Cracoviensem, honore Vestro cohonestaturi. Huc florem ætatis Vestræ, huc omnes curas & studia conferte, Jurisprudentia utiq; æquè pacis ac togæ socia, imperii simulac libertatis optima Administra, in omni causa sua Vobis justissima arbitria edicet, in quovis vitæ statu & conditione sufficienter omnes informabit. Haud Vos deterreat ad decurrendum hoc stadium & prosequendum plus ultra serium in via Juris applicationis studium  
urge-



urgeat imò laboris molestia, ac in discendo perplexitas, hæc utiq; generosos nutrit animos. Hæc aliorum si deprimat non Vestras; imò erigat mentes. Audite quæso elegantem quò Vobis Florus Romanus Historicus persvadet sensum. Sole gelu liquatur; sed sal concrescit, quæ ligna corrumpit aqua est, ast quercum firmat, multum sibi frequenter adjicit virtus laceffita. Ferrum quod sæpius canduit durius est, nec radices altas agit seges nisi quam nix oppressit. Ubi verò melius istam egregiam indolem? quam in plerisq; Vestrum ad magna natam video, ubi istud ingenium? ubi istam partem ætatis ad concipienda doctrinæ virtutisq; semina capacissimam, ubi quæso suavius aut fructuosius quàm in studio Jurisprudentiæ collocare potestis? Idcirco: in Regulis Utriusq; Juris explanandis (Adjutore DEO) facem ego Vobis præferam, & quod abhinc in posterum mei muneris erit ex hoc loco profitebor. Moram hac in re Vobis nocivam esse nolo (s) neq; tamen quivis Vestrum ita mihi difficilis creditor erit ut in crastinum expectare nolit, præsertim quòd ista Lectio Sabbativis & ante festivalibus duntaxat diebus, *certis* autē (*temporibus*) indies ex professo tradi soleat. Cum ergo jam novi hujus muneris mei auspicia more antequam

(s.) Regula XXV. Decr: in Geo.

(1)

tiqui-



tiquitùs recepto solemnì Oratione à me Vobis in  
præsentiàrum publicè commendata in accepto  
habeatis, statui apud me proxima die Jovis quærit  
*Vigilia S. Joannis Bapt. horâ prima à prandiis*, in hocce  
CC. DD. Juris-Consultorum Lectorio, hujus scien-  
tiæ Candidatorum Auditorio, primam Lectionem  
me traditurum, ad quam diligenter audiendam  
ea quâ decet humanitate invito.

DIXI.

RegI scēCVLorVM soLI Deo gLorIa.



IMPRIMATUR.

M. CASIMIRUS STĘPŁOWSKI,

Sacræ Theologiæ DOCTOR & PROFESSOR Collega Ma-  
jor, Facultatis Theologiæ DECANUS, & PROCANCEL-  
LARIUS, Ecclesiarum Collegiatæ S. FLORIANI Clepardiæ  
ad Cracoviâ DECANUS, Libr. per Diœc. Crac. CENSOR, &c.  
Universitatis Cracoviensis Generalis RECTOR. mpp.

Die. 17 Aprilis, A. D. 1763.



BIBLIOTHECA  
VNIV. IAGELL.  
CRACOVENSIS.



in  
to  
rit  
ce  
n-  
m  
m



,  
Ma-  
EL-  
diz  
&c.



SLDR0022319

Biblioteka Jagiellońska



~~Unemployment Insurance Act.~~

~~Sept. 9 - I saw some small things~~